

Կ Ա Ր Գ

ՊԵՏԱԿԱՆ ԵՎ ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՄԱՐՄԻՆՆԵՐԻ  
ԼԻԱԶՈՐՈՒԹՅՈՒՆՆԵՐԻՑ ԲԽՈՂ ՎԵՐԱՀՍԿՈՂԱԿԱՆ ԳՈՐԾԱՌՈՒՅԹՆԵՐ  
ԻՐԱԿԱՆԱՑՆԵԼՈՒ ՆՊԱՏԱԿՈՎ ՊԵՏԱԿԱՆ ՎԵՐԱՀՍԿՈՂԱԿԱՆ ԾԱՌԱ-  
ՅՈՒԹՅԱՆ ԿՈՂՄԻՑ ՄԻՋՆՈՐԴՈՒԹՅՈՒՆ ՆԵՐԿԱՅԱՑՆԵԼՈՒ

1. Պետական կառավարման համակարգի մարմինների և տեղական ինքնա-  
կառավարման մարմինների (այսուհետ՝ իրավասու մարմին) կողմից վերահսկվող ոլորտներում  
իրավասու մարմինների կողմից վերահսկողական գործառույթներ նախաձեռնելու և  
իրականացնելու նպատակով Պետական վերահսկողական ծառայությունը (այսուհետ՝  
ծառայություն) իրավասու մարմին է ներկայացնում միջնորդություն (այսուհետ՝ միջնոր-  
դություն): Միջնորդությունը ծառայության ղեկավարի կողմից ուղարկվում է իրավասու մարմնի  
ղեկավարին:

2. Միջնորդությունը պետք է պարունակի տեղեկատվություն՝ վերահսկողական  
գործառույթի առիթի, նպատակի, վերահսկվող օբյեկտի, պարզաբանման ենթակա  
հարցադրման, վերահսկման ենթակա ժամանակահատվածի, ենթադրյալ խախտման,  
արդյունքները ծառայությանը տրամադրելու ակնկալվող ժամկետի և վերահսկողության  
անհրաժեշտությունը հիմնավորող հանգամանքների վերաբերյալ: Միջնորդությամբ ենթակա  
են սահմանման իրավասու մարմնի կողմից պարզաբանման կամ բացահայտման ենթակա,  
ինչպես նաև ծառայության կողմից իրավասու մարմնից ակնկալվող հարցերը:

3. Ծառայության կողմից իրավասու մարմին միջնորդությունը ներկայացվում է  
Հայաստանի Հանրապետության վարչապետի հանձնարարականի կամ այդ մարմնի  
իրավասության ոլորտում «Պետական վերահսկողական ծառայության մասին» Հայաստանի

Հանրապետության օրենքի իմաստով օրինականության պահանջների խախտումների կամ դրանց հավանական առկայության վերաբերյալ ծառայության գործունեության արդյունքում ձևավորված տեղեկատվության հիման վրա:

4. Միջնորդության հիման վրա վերահսկողական գործառույթներ իրականացնելիս, նոր հանգամանքներ առաջանալու դեպքում, իրավասու մարմնի գրավոր հիմնավորմամբ և ծառայության համաձայնությամբ սույն կարգի 2-րդ կետով սահմանված միջնորդության հարցադրումներն ու պայմանները կարող են փոփոխվել: Տվյալ պարագայում նոր միջնորդության ներկայացումը պահանջվում է միայն վերահսկման նպատակի և վերահսկվող օբյեկտի փոփոխության դեպքում:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՎԱՐՉԱՊԵՏ

Ն. ՓԱՇԻՆՅԱՆ